

ODLUKU

O IZMJENAMA I DOPUNAMA ODLUKE O DAVANJU SAGLASNOSTI NA VISINU PARTICIPACIJE CIJENA USLUGA, UPISNINA I DRUGIH TROŠKOVA STUDIJA UNIVERZITETA U SARAJEVU, TE FAKULTETA I AKADEMIJA U NJEGOVOM SASTAVU

I

U Odluci o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo", broj 19/09), u tački III, u grupaciji prirodno-matematičkih i biotehničkih nauka, na kraju, iza tačke 23. dodaju se nove tač. 24, 25. i 26. koje glase:

24.	Prvi ciklus studija - redovni studij čije troškove snose sami studenti iz BiH za dislocirana odjeljenja Univerziteta u Sarajevu u Brčko Distriktu BiH (za studije: Biljna proizvodnja - Poljoprivredno- prehrambeni fakultet; Matematika, nastavnički smjer - Prirodno-matematički fakultet i Fizika, nastavnički smjer - Prirodno-matematički fakultet)	2 000
25.	Prvi ciklus studija - vanredni studij za studente iz BiH za dislocirana odjeljenja Univerziteta u Sarajevu u Brčko Distriktu BiH (za studije: Biljna proizvodnja - Poljoprivredno- prehrambeni fakultet, Matematika, nastavnički smjer - Prirodno-matematički fakultet i Fizika, nastavnički smjer - Prirodno-matematički fakultet)	2 000
26.	Prvi ciklus studija - studenti koji nemaju državljanstvo BiH za dislocirana odjeljenja Univerziteta u Sarajevu u Brčko Distriktu BiH (za studije: Biljna proizvodnja - Poljoprivredno- prehrambeni fakultet, Matematika, nastavnički smjer - Prirodno-matematički fakultet i Fizika, nastavnički smjer - Prirodno-matematički fakultet)	2 000

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-20630-14.1/12
26. juna 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 76. sjednici održanoj 26.06.2012. godine, donijela je

ODLUKU

O USLOVIMA I PERIODU PRIVREMENE DODJELE LOVIŠTA NA KORIŠTENJE

I

Ovom Odlukom utvrđuju se uslovi i period privremene dodjele lovišta utvrđenih Odlukom o osnivanju lovišta na području Kantona Sarajevo ("Službene novine Kantona Sarajevo", broj 17/10) na korištenje do stvaranja uslova za dodjelu lovišta na korištenje u skladu sa Zakonom o lovstvu.

II

Korisnici lovišta dužni su provoditi aktivnosti na unapređenju uzgoja i zaštite lovstva i iskorištavanja divljači, zaštite prirode i okoliša u očuvanju prirodnog staništa divljači, njegovanja lovačke etike i običaja ili drugih ciljeva kroz sportsko-rekreacione i ekološke aktivnosti u lovnoj 2012/2013. godini.

III

Pravo na korištenje i upravljanje lovištima imaju Lovачka društva - Udruženja građana "Trnovo" Trnovo, "Bjelašnica" Hadžići, "Igman" Hlidža, "Zec" Ilijaš, "Srednje" Srednje, "Lane" Vogošća i "Sarajevo" Sarajevo, koja su gospodarila lovištima u prethodnom periodu.

Pravo na korištenje i upravljanje lovištem "Igman - Bjelašnica" ima Kantonalno javno preduzeće "Sarajevo - šume" d. o. o. Sarajevo.

IV

Ovlaštava se Ministarstvo privrede da gospodarenje i upravljanje lovištima dodijeli korisnicima iz tačke III ove Odluke na jednu godinu, zaključivanjem Ugovora o ustupanju lovišta na korištenje.

V

Zadužuje se Ministarstvo privrede da obezbijedi da se lovištima u lovnoj 2012/2013. godini gospodari na osnovu Privremenih godišnjih planova gospodarenja.

VI

Za realizaciju ove Odluke zadužuje se Ministarstvo privrede Kantona Sarajevo.

VII

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-20630-5/12
26. juna 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), i člana 44. stav 6. Zakona o visokom obrazovanju - Prečišćeni tekst ("Službene novine Kantona Sarajevo", broj 22/10), Vlada Kantona Sarajevo, na 76. sjednici održanoj 26.06.2012. godine, donijela je sljedeći putem Ministarstva za obrazovanje, nauku i mlade Kantona Sarajevo, a na prijedlog Javne ustanove "Fakultet političkih nauka Univerziteta u Sarajevu", donijela je

ODLUKU

O UTVRĐIVANJU CIJENE INTERDISCIPLINARNIH/MULTIDISCIPLINARNIH MASTER STUDIJA NA FAKULTETU POLITIČKIH NAUKA UNIVERZITETA U SARAJEVU

I

Utvrđuje se cijena interdisciplinarnih/multidisciplinarnih master studija na Fakultetu političkih nauka Univerziteta u Sarajevu u trajanju od jedne godine za studente koji su studirali po predbolonjskom sistemu studiranja, i to za: studij "Europske integracije" koji će organizirati Odsjek politologije i Odsjek sigurnosnih i mirovnih studija, studij: "Porodica i društvo" koji će organizirati Odsjek sociologije i Odsjek za socijalni rad, studij: "Djeca i mladi u sukobu sa zakonom" koji će organizirati Odsjek za socijalni rad, studij: "Komunikologija" koji će organizirati Odsjek za žurnalistiku, studij "Nacionalna sigurnost i demokratsko društvo" koji će organizirati Odsjek za sigurnost i mirovne studije, u iznosu od 4.000,00 KM po godini počev od akademske 2012/2013. godine.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-20630-13/12
26. juna 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 29. st. 1. i 2. Zakona o ustanovama ("Službeni list RBiH", br. 6/92, 8/93 i 13/94), Vlada Kantona Sarajevo, na 76. sjednici održanoj 26.06.2012. godine, donijela je